


# Ka ahatia mēnā koe ka pōti...

## Ⓐ Āe?

Kei tāwāhi, kei ngā wāhi i whakaaetia te tarutaru i raro i te ture, ētahi tuwhiri hei tirotiro mā tātou.

Engari he pāhekeheke noa ngā taunakitanga o ngā putanga i tāwāhi, he hua nō te poto o te wā mai i ngā whakahoutanga ā-ture, te rerekē o ngā tukanga waeture, me tētahi rāngai arumoni kāore anō kia āta whakatūria. He wāhi hoki tō te āhua o mua, tō te huringa rānei i roto i tētahi wā, o te hauora me ngā pānga pāpori. E kore pea e toka ngā taunakitanga, ā, me āta arotake e te tangata e ai anō ki ōna uaratanga, e whai māramatanga ai.

Ko te wheako o Aotearoa ka whirinaki atu ki ngā āhua motuhake o tō tātou taiao, o ā tātou tukanga waeture me tōna whakatinanatanga.



## Ⓐ Kāo?

Ka taea tā tātou titiro ki ngā putanga o tō tātou ture pūroi o nāianei, e aukatihia taiharatia ana te tarutaru (**hāunga te kaupapa ture rongoā motuhake**). Tērā tonu pea ka mau tonu ēnei putanga, ka whai rānei i ngā āhuatanga o nā tata nei.


Tērā pea he putanga rerekē ka hua mai i te āta whakangāwaritia o te ture, tae ana ki ngā panonitanga o nā tata nei, e āhei ai tā te pirihihana whakatau, mō te pupuritanga pūroi, kia whāia kētia tētahi ara hāpai i te hauora, tērā i te hāmenetanga. Heoi anō, ka noho taihara tonu te tarutaru.

**He haukume nō te whakatinanatanga o te ture, ko tōna whakauruhitanga e ngau kino ana i a ngāi Māori, i te taitamatāne, me te hunga pōhara hoki.**

## Ⓐ Āe?

- Ko te whakatipu me te whakarato i te tarutaru i raro i te ture**, ka āta waeturetia, ka whakahaerehia mā roto i tētahi ahumahi nui e arumoni ana, e waeturetia ai te momo, te kukūtanga, me te kounga o ngā hua.
- Ko te tangata e 20 tau, neke atu rānei te pakeke, ka āhei tana hoko i te tarutaru maroke, kia kaua e nui atu i te 14 karamu i te rā (ko tōna ritenga rānei) i ngā toa kua whai raihana, ka whakaratohia e ngā kaiwhakatipu whai raihana.
- Ko te tangata e 20 tau, neke atu rānei te pakeke, ka āhei tana whakatipu i ngā tipu e rua i te kāinga, kia kaua e nui atu i ngā tipu e whā i te kāinga kotahi.
- Kāore e āhei te whakatairangatanga. Ka uua pea tēnei te whakauruhī i ngā pae o te pāhopori me te ipurangi whānui.
- E ai anō ki ngā wheako o tāwāhi, tērā tonu pea ka haere tonu ngā mahi taihara hei whakatipu, hei whakarato hoki, engari ka iti ake te pērā**. Ko tana nui ka hāngai pea ki te utu o te tarutaru ka hokona i raro i te ture.

## Te whakatipu me te whakarato i te tarutaru



## Ⓐ Kāo?

- Ka noho tonu te whakatipu me te whakarato i te tarutaru hei kawenga mā te hunga taihara anake.
- Ko te hunga e hiahia ana ki te kai i te tarutaru, ka mate ki te whai i ngā takenga taihara, me te takahi hoki i te ture.
- Kāore he herenga i te momo, i te kukū, i te kounga rānei o ngā hua tarutaru, i te hunga hoko rānei, i te nui rānei ka hokona e te tangata takitahi.


Read the full evidence summary: [pmcsa.ac.nz/topics/cannabis](http://pmcsa.ac.nz/topics/cannabis)

# Ka ahatia mēnā koe ka pōti...

## Te kai tarutaru

### Ⓐ Āe?

- E whakapaetia ana ka 'whakamāoritia' te kai tarutaru, ā, mā reira pea e nui ake ai te kainga ūna.
- **E ai anō ki ngā wheako i tāwāhi, i muri mai i te whakaturetanga**, he kitenga rerekē i ngā taunakitanga mō te kai tarutaru a te taiohi, ā, he taunakitanga hukihuki e tohu ana i te piki haere o te kai tarutaru a ngā hunga pakeke ake, a ngā tauira whare wāna.
- Ahakoa ngā waeturetanga, tērā tonu pea ka whai ngā kaihoko arumoni ki te whakawhānui i te whakamahinga o te tarutaru, i ngā momo hua rānei e nui ake ai tō rātou tūtanga hokohoko, ā rātou huamoni anō hoki. Ka whai pea ko te whakahekenga o te utu o te tarutaru.




### Ⓐ Kāo?

- **Ko te nuinga o ngā tāngata o Aotearoa ka whakamātau i te tarutaru i tōna wā.**
- 15% o ngā pakeke i tohu i tā rātou kai tarutaru, kia kotahi te wā, kia nui ake rānei i te tau kua hipa (nō ngā raraunga 2018/19).
- Ko te taiohi te hunga e kaha ana ki te kai tarutaru, he 29% i tohu kua kainga e rātou i te tau kua hipa (15-24 tau te pakeke, nō ngā raraunga 2018/19).
- Tērā tonu pea ka pērā tonu te āhua o te whakamahinga i tō nāianei.

## Ngā whakauruhitanga mō te tarutaru me te ture taihara

### Ⓐ Āe?

- Kāore he take o ngā whakauruhitanga mō te tarutaru, mō ngā momo mahi kua kore e aukatihia e te ture, pērā i tā te pakeke kai tarutaru, me te whātitanga o te whakatipu ka āhei i te kāinga.
- **Ko ngā panonitanga ki te whakauruhitanga ka kaha ake te rangona e ngāi Māori, e te taitamatāne anō hoki.**
- Ka kore e mau tangatange te hara ki te hunga i raro i te 20 tau te pakeke ka mau e whai tarutaru ana, engari kē ia ka pā atu he urupare ā-hauora, he whiunga ā-pūtea rānei.
- Ko ngā whakauruhitanga mō ngā mahi ka noho tonu hei hara ka rerekē, ā, ka haukume tonu atu pea ki a ngāi Māori, ki ngā taitamatāne anō hoki.
- Ko te arotahi o ngā whakauruhitanga ki ngā hara e pā ana ki te hauora (h.t. ko te hautū waka ka māngina ana) ka pā pea ki ngā putanga hauora tūmatanui, engari e whirinaki ana ki ngā whāinga matua o te pirihihana.



### Ⓐ Kāo?

- **Ko te hua o ngā ture o nāianei, he tokomaha ka pāngia e ngā whakauruhitanga, ka mau tangatange rānei mō te hara e pā ana ki te tarutaru,** ā, mā reira pea ka whai ake ko ngā ūtonga pāpori.
- I te tekau tau kua hipa, kua kaha te heke haere o ngā pāpātanga mauhere mō te tarutaru te take, ā, e whakapaetia ana ka pērā tonu i raro i ngā whakahoutanga o nā tata nei i te **Misuse of Drugs Act**.
- Tērā tonu pea ka heke hoki te nui o ngā whakamaunga hara i te takanga o te wā.
- Ka haukume tonu pea ngā whakauruhitanga ki a ngāi Māori, ki ngā taitamatāne anō hoki.


Read the full evidence summary: [pmcsa.ac.nz/topics/cannabis](http://pmcsa.ac.nz/topics/cannabis)

# Ka ahatia mēnā koe ka pōti...

## Ngā putanga ā-pāpori, ā-hapori hoki

### Ⓐ Āe?

- I te ngoikore haere o ngā tauhokohoko taihara, me te iti ake o ngā whakamaunga hara, e mārirī ake ai ngā ūtonga pāpori whānui ka kaha ake te pā atu ki ngā hapori he rite tonu te whakatahangia.
- Ko ngā hua tāke ka ahu mai i ngā hokotanga i raro i te ture hei hāpai pea i ngā rauemi me te whanaketanga ā-hapori, engari ka whirinaki atu tēnei ki ngā whakatau a te kāwanatanga mō te whakapaunga pūtea.
- E ai ki te āhua o te whakaū i ngā waeture, he putanga kino pea ka hua mai i:
  - te noho apiapi, te nui rawa rānei o ngā toa hoko tarutaru i ngā takiwā e parahehea ana,
  - te taupā i ngā āheinga me ngā hua o ngā whanaketanga ūhangā hou i ngā hapori kua whakatahangia kētia,
  - ngā utu tautukunga, i ngā āraitanga kē atu rānei e tauārai ana i tā te hunga nō ngā mākete taihara whai wāhi atu ki ngā painga o te mākete i raro i te ture, me
  - tā te tangata whai wāhi tonu atu ki ngā mākete taihara, nā te nui o te utu o te tarutaru i raro i te ture.
- He hua pea ka puta ki te hapori whānui, i ngā whiwhinga pūtea a te kāwanatanga nō ngā hokotanga tarutaru i raro i te ture.




### Ⓑ Kāo?

- Kua whai pakiaka ngā mahi taihara mō te whakatipu me te whakarato i te tarutaru ki roto i ngā hapori rawakore, ā, tērā tonu pea ka pērā tonu te:
  - hāpai, te whakanui hoki i ngā taihara ka āta whakaritea, me ngā taihara tene anō hoki.
  - whakararu i te oranga me te haumarutanga ā-pāpori, inarā i ngā taupori e parahehea ana, me
  - te whakaara ake i ngā ūtonga pāpori e pāhikahika ana, ka pā hoki ki ngā tini whakareanga.
- Ko te hunga ka mau tangetange ō rātou hara mō te kai tarutaru - he nui ngā rangatahi ka pērā - ka mau tonu te poapoataunu ā-pāpori. Ko ngā pānga mau roa e uua ai te whai mahi, te whai wāhi noho, te haere ki tāwāhi, te tono taurewa rānei.

### Ⓐ Āe?

- Ki te heke te poapoataunu, tērā tonu pea ka kaha ake tā te tangata whai āwhina, whai oranga rānei ina pāngia e te raru, ko te tarutaru te take.
- I te whakamāoritanga o te kai tarutaru, ka huri pea ngā whakaaro ki te taumata e kīa ai he raru, ā, kāore pea ētahi e whai āwhina i te wā e tika ana.
- Ma te whakatū i te kai tarutaru hei take hauora, ka māmā ake pea te whai āwhina, te whai oranga hoki ina raru, ki te toha te kāwanatanga i ngā rauemi me ngā pūtea e hiahiatia ana.

## Te whai wāhi ki ngā ratonga āwhina



### Ⓑ Kāo?

- Mā te poapoataunu o te noho taihara o te tarutaru, tērā pea ka:
  - āraitia tonutia ētahi i te whai āwhina, ā,
  - ka raru ētahi atu kaupapa āwhina e āta whakaako ana i ngā tāngata ki ngā tūraru, ki ngā tukanga rānei e haumaru ake ai tā te tangata kai tarutaru.
- He iti ngā ratonga ngaio, ngā ratonga whai oranga hoki e wātea ana ki te hunga e raru ana i te kai tarutaru, inarā ko ngā taiohi, ki te kore e nui ake ngā tohanga rauemi a te kāwanatanga.


Read the full evidence summary: [pmcsa.ac.nz/topics/cannabis](http://pmcsa.ac.nz/topics/cannabis)

# Ka ahatia mēnā koe ka pōti...

## Ngā putanga hauora tūmatanui

### ✓ Āe?

- Mā te whakature i te tarutaru e iti iho ai ētahi o ngā tūraru mō ūna pānga kino ki te hauora, engari kaua ko te katoa. Ka kaha ake te rangona e te hunga he rite tonu te kai i ngā hua tarutaru, i ngā hua kukūtanga nui rānei, e te hunga rānei ka tīmata ki te kai tarutaru i ūrātou tamarikitanga, me ūrātou kua pāngia e ngā mate hinengaro, e ngā mate waranga rānei, kua pērā rānei ūrātou whānau ake.
- Ka haumaru ake ētahi āhuatanga o ngā hua ka āhei te hoko i raro i te ture (h.t. ngā whakamōhiotanga ki ngā whakaurunga, ngā inetanga pota, ngā waeturetanga kounga anō hoki). Heoi anō, **i ngā mākete i raro i te ture, kua kitea ētahi hua kukūtanga nui, he tūraru e whai pāngia ana.**
- Ka hāngai te tuku atu i ngā pārongo, i ngā mātauranga, me ngā kupu arataki mō ngā tukanga whakamahinga haumaru (h.t. ngā whakatūpato ā-hauora i runga i ngā hua, ki ngā wāhi hoko anō hoki).
- Ki te whai wāhi atu ngā hua kukūtanga nui, ngā utu iti, me ngā wāhi hoko huhua ki te pūnaha whakarato i raro i te ture, ka piki peā te kai tarutaru, me ūna ūtonga hoki.
- Waihoki, tērā tonu peā ka hohe tonu, ka noho tātāwhāinga tonu ngā mākete taihara, he tūraru nui te nuinga o ngā hua e whakaratohia ana.




### ✓ Kāo?

- He tokoitī te hunga kai tarutaru ka pāngia e ngā ūtonga hauora**, inarā ko te hunga ka kai tarutaru ka tamariki ana, ka rite tonu rānei te kai tarutaru, ka kai rānei i ngā hua kukūtanga nui, ka pāngia rānei e ngā mate hinengaro, e ngā mate waranga rānei, kua pērā rānei ūrātou whānau ake.
- Mā te mākete taihara, kāore ūna waeture, e puta ai ētahi āhuatanga o ngā hua, **o ngā tukanga kai rānei e whai pāngia ana ki ngā tūraru hauora** (h.t. te whakakahā i te kukūtanga, te tāhawahawatanga, te korenga o ngā arotakenga i ngā momo hua, i ngā haumarutanga rānei, te korenga o ngā waeture mō te pakeke o te kaihoko).
- Ka raru te tuku pārongo, mātauranga, kupu arataki hoki e pā ana ki ngā tukanga whakamahi haumaru i te noho taihara o te tarutaru, ā, ka noho kūware ki ngā ara hei whakaiti i te tūraru, hei whai wāhi atu rānei ki ngā ratonga ngaio, ki ngā ratonga whai oranga rānei mō te hunga e hiahia ana, tae ana ki ngā mātua o ngā tamariki kai tarutaru.

## Ngā pāngia ki te kai whakapōauau kē atu

### ✓ Āe?

- Ko ngā kōrero hukihuki mō ngā wheako i tāwāhi e tohu ana i ētahi taunakitanga rerekē e pā** ana ki ngā huringa i te kai waipiro, i te kai tupeka, i te kai whakapōauau kē atu rānei ki te taha o te tarutaru kua whakaturehia.



### ✓ Kāo?

- E auau ana te kainga ngātahitia o te waipiro, o te tupeka, o ngā whakapōauau kē atu hoki me te tarutaru, he ūtonga peā te hua, ā, tērā tonu peā ka mau tonu taua tūahuatanga.

Read the full evidence summary: [pmcsa.ac.nz/topics/cannabis](http://pmcsa.ac.nz/topics/cannabis)

# Ka ahatia mēnā koe ka pōti...

## Te whakapau me te whiwhi pūtea a te kāwanatanga

### ✓ Āe?

- He āheinga ki te whai i ngā hua tāke nui, ki te whakatū hoki i ngā tūranga mahi i te whakatipu me te hoko tarutaru.
- He āheinga ki te tiaki i ētahi wāhi pūtea nō te whakauruhitanga, engari he utu tō te āta aru i ngā hara e taihara tonu ana, e tutuki ai ngā whāinga mō te hauora me te haumarutanga tūmatanui.
- He whakapaunga pūtea anō ka hiahariatia, hei whakatinana, hei aroturuki, hei whakahae hoki i ngā pūnaha waeture hou, me ngā ratonga kē atu hei āwhina i te hunga kai tarutaru.




### ✓ Kāo?

- Ka mau tonu te nui ake o te whakapaunga pūtea a te kāwanatanga ki ngā whakauruhitanga mō te tarutaru, tērā i ngā ratonga tauārai, i ngā ratonga whai oranga rānei e pā ana ki te tarutaru.
- Kāore tonu e āhei te whai hua tāke, te whai painga rānei i te whanaketanga ā-ōhangā e hāngai ana ki te whakatipu me te hoko tarutaru.

## Te rangahau me te aroturuki

### ✓ Āe?

- Ka whakakorehia ētahi o ngā taero ki ngā rangahau e hiahariatia nuitia ana, mā reira e mārama ake ai te whakamahinga, ngā momo hua, me ngā pānga.
- Kia hipa te rima tau, ka arotakehia te ture. E eke ai ngā pānga pai ki te taumata ikeike ka taea, me tuku rauemi te kāwanatanga hei āta aroturuki i ngā putanga, me te panoni anō i ngā waeture ka tika ana te pērā.




### ✓ Kāo?

- He uua te tātari i te kai tarutaru, i ngā momo hua me ngā pānga, ahakoa te hiahia ki ngā raraunga e pai ake ana, ki tētahi tūāpapa taunakitanga hoki e pakari ake ana.
- E heke kē ana ētahi o ngā taero rangahau, i runga i te whakaturetia o te tarutaru hei rongoā i ngā wāhi huhua.

## Ngā whakaarotanga ā-tōrangapū, ā-ture hoki

### ✓ Āe?

- Ka hāngai ake ngā ture tarutaru ki ngā ritenga ture mō te waipiro me te tupeka, engari ka pākaha ake ūna waeture.
- Ka hāngai ake ngā tukanga waeture mō te tarutaru ki tō te tangata mana whaiaro ki te kōwhiri ki te kai tarutaru.



### ✓ Kāo?

- Kāore tonu ngā ture aukati i te tarutaru e hāngai ki ērā mō te waipiro me te tupeka.
- E takahi ana te ture i ngā mōtika o te tangata ki te kōwhiri ki te kai tarutaru hei painga mōna (kāore e hāngai ana ki te waeturetia o te waipiro me te tupeka, engari ka hāngai ki ture kē atu e whai nei kia herea ngā ūtonga ki ngā tāngata takitahi, ki te pāpori anō hoki).

Read the full evidence summary: [pmcsa.ac.nz/topics/cannabis](http://pmcsa.ac.nz/topics/cannabis)